

შუამავლის დაბადების დღის აღნიშვნის ჰუქმი

حكم الاحتفال بالمولد النبوي

< ქართული - Georgian – الجورجية >



ავტორი: მუჰამმედ ბინ სალიჰ ალ-უსეიმინი

اسم المؤلف: محمد بن صالح العثيمين

შენიშვნა

მთარგმნელი: ნოდარ დავითაძე

რეფერატი: ვეისელ ორუჯოვი

ترجمة: نودار (شعبان) داويتادز

مراجعة: ويصل أروجوف

შუამავლის დაბადების დღის აღნიშვნის ჰუქმი



პატივცემულ ალიმ მუჰამედ ბინ სალიჰ ალ-უსეიმინს მევლუდის შესახებ ჰკვიტხეს, მან ამის შესახებ ასეთი პასუხი გასცა:

პირველი:

ალლაჰის შუამავლის (ს.ა.ს.) დაბადების დღე დაზუსტებით ცნობილი არ არის. ისტორიკოსთა ერთი ნაწილი ამბობს, რომ იგი რაბბი'ულ ეველის მთვარის მეცხრე ღამეს დაიბადა; ხოლო ისტორიკოსთა მეორე ნაწილის გადმოცემის მიხედვით შუამავალი (ს.ა.ს.) რაბბი'ულ ეველის მთვარის მეთორმეტე ღამეს დაიბადა. ამგვარად მეთორმეტე ღამის დაბადების დღედ აღნიშნვას ისტორიულად არანაირი საფუძველს არ აყერდნობა.

მეორე:

შუამავლის (ს.ა.ს.) დაბადების დღის აღნიშვნას არც რელიგიური საყრდენი არ მოეპოვება. მევლუდის აღნიშვნა ისლამის რჯულში არსებული რიტუალი, რომ ყოფილიყო ამას ალლაჰის შუამავალი თვითონ აღნიშნავდა და მორწმუნეებსაც დაავალებდა. მას რომ ეს დღე აღედნიშნა და მორწმუნეებისთვისაც დაევალებინა ამის შესახებ ჰადისთა კრებულებში აუცილებლად წავაწყდებოდით ინფორმაციას.

إِنَّا نَحْنُ نَزَّلْنَا الذِّكْرَ وَإِنَّا لَهُ لَحَافِظُونَ

„ჭეშმარიტად ჩვენ ჩამოვავლინეთ ზიქრი (ყურანი) და ჭეშმარიტად (ცვლილებისგან, ნაკლისგან ან ნამატისგან) ჩვენვე დავიცავთ მას.“ (ჰიჯრ, 15/9.)

ვინაიდან ეს რიტუალი ისლამში არ არსებობს, მისი საშუალებით ალლაჰთან დაახლოება, მისი კმაყოფილების მოგება შეუძლებელია.

ალლაჰი მისი კმაყოფილების მოსაპოებლად გარკვეული გზებით სვლას გვავალებს, რომელიც მისმა შუამავალმა თავისი ცხოვრებით წარმოგვიდგინა.

ვინაიდან ჩვენ ალლაჰის მსახურნი ვართ და მისი კმაყოფილების მოპოვებას ვცდილობთ, როგორ შეიძლება საკუთარი ჭკუით მასთან მისასვლელი ახალი გზები გამოვიგონოთ?

რჯულში არ არსებული რამის მასში შემოტანა დიდი უსამართლობაა და ალლაჰის წინაშე ზღვარგადასულობა.

ამავე დროს ამ რიტუალის გამართლება უზენაესი ალლაჰის ამ აიათის გაცრუებას მოითხოვს:

الْيَوْمَ أَكْمَلْتُ لَكُمْ دِينَكُمْ وَأَتَمَمْتُ عَلَيْكُمْ نِعْمَتِي وَرَضِيْتُ لَكُمُ الْإِسْلَامَ دِينًا

„დღეს მე სრულვყავი თქვენი რჯული, დავასრულე ჩემი თქვენდამი წყალობა და თქვენთვის ისლამის რჯულზე ვარ კმაყოფილი.“ (მაიდე, 5/3.)

ჩვენ ვამბობთ, რომ ეს რიტუალი ისლამის სრულყოფილების ნაწილი რომ ყოფილიყო მაშინ შუამავალის გარდაცვალებამდე უნდა ყოფილიყო მსგავსი რიტუალი. თუ კი რჯულის სრულყოფილების ნაწილი არ არის, მაშინ შეუძლებელია ის ისლამის ნაწილი იყოს. რადგანაც უზენაესი ალლაჰი ასე ბრძანებს:

“მე სრულვყავი თქვენი რჯული”

ვინც ამ რიტუალს ისლამის სრულყოფილების ნაწილად მიიჩნევს, მიუხედავად იმისა, რომ მან შუამავალის გარდაცვალების შემდეგ იჩინა თავი, მაშინ ასეთი პიროვნება ამ აიათს უარყოფს.

ეჭვი არ გვეპარება, რომ ვინც შუამავალის დაბადების დღეს მევლუდის საშუალებით ღნიშნავს, ისინი ამით შუამავალის მიმართ პატივისცემას გამოხატავს და მის მიმართ სიყვარულითაა სავსე. ეს ყველაფერი კი ღვთის მსახურებაა, შუამავალის სიყვარულიც ღვთის მსახურებაა. უფრო მეტიც, კაცს შუამავალი, საკუთარ თავზე, შვილებზე, მშობლებზე და მთელ კაცობრიობაზე უფრო მეტად თუ არ უყვარს, ისე ჭკმდარიტი მორწმუნე ვერ გახდება. შუამავალის მიმართ პატივისცემის გამოხატვა ღვთის მსახურებაა. მის მიერ მოტანილი შარიათისკენ გადადგმული ყოველი ნაბიჯიც ღვთის მსახურებაა.

ამგვარად, ალლაჰთან დაახლოების მიზნით მეველუდის აღნიშვნაც ერთგვარი ღვთის მსახურებაა. ვინაიდან ეს რიტუალი ღვთის მსახურებაა, ალლაჰის რჯულში არ არსებული ახალი ღვთის მსახურებების შემოღება არავითარ შემთხვევაში დაშვებული არ არის. ამგვარად შუამავლის დაბადების დღის აღნიშვნა ბიდ'ათია და ამავე დროს ჰარამია.

ასევე ამ რიტუალში გვხვდება არალოგიკური საქციელი, როგორცაა ლექსების კითხვა და მისი დაბადების მომენტის წარმოთქმისას ყველა ფეხზე წამოდგება და „მერჰაბა“ ანუ მობრძანდიო ეგებებიან. ეს შუამავლის მიმართ შეურაცხყოფაა, რადგან ის თავის სიცოცხლეში ამას კრძალავდა. ადამიანებს შორის საკაბეებს იგი ყველაზე მეტად უყვარდათ და ისინი ყველაზე მეტ პატივს ცემდნენ მას, თუმცა მის მოსვლაზე ფეხზე არ წამოდგარან, რადგან მას ეს არ მოსწონდა. როდესაც საკაბეები მის წინაშე ფეხზე არ დგებოდნენ, ჩვენი ფანტაზიებში წარმოდგენის მიხედვით ფეხზე წამოდგომა რამდენად მართალი იქნება?

ეს ბიდ'ათი მორწმუნეთა საუკეთესო პირველი სამი თაობის შემდეგ იქნა გამოგონილი და მას რელიგიური რიტუალის სახე მიეცა, რაც ძალიან ცუდი ბიდ'ათია. აგრეთვე ეს რიტუალი ქალებისა და კაცების ერთ ადგილას შერეულ მდგომარეობაში სრულდება, რაც კიდევ ერთი ჰარამის მიზეზია.

წყარო: მუჰამმედ ბინ სალიჰ ალ-უსეიმინის ფეთეხები და წერილები, ტ. II, გვ. 298-300.

